

Inatsisartut Siulittaasussaannik qinersineq

(Inatsisartut siulittaasuatu)

Taamaalilluta oqaluuserisassani imm. 3, Inatsisartut Siulittaasussaannik qinersineq, tikipparput.

Inatsisartut Suleriaasianni § 3, imm. 1 aamma 2, naapertorlugit Inatsisartut Siulittaasuattut qinigaasinnaassagaanni Inatsisartunut ilaasortaanissaq, taamatullu aamma ilaasortanit najuuttunit amerlanerussuteqvavissunit qinigaanissaq, piumasaqaataapput.

Suleriaatsimi § 3, imm. 1 naapertorlugu siulittaasussanik qinersineq isumaqatigiinniutigineqanngitsumik pissaaq.

Taamaattumik qinnuigiinnassavassi Inatsisartut Siulittaasussaattut siunnersuutinik saqqummiussaqaqqullusi. Ataasiinnarmilluuniit qinigassanngortitsisoqarluarpat qinersisitsisoqartussaavoq. Partiit qinersisarnerilluuniit eqqarsaatigalugit suleqatigiit ilaasortaqassusertik malillugu kina Inatsisartut Siulittaasussaattut qinigassanngortinniarnerlugu nalunaarutigissavaat. Maanna siulittaasup tulliatut atuuffinnut qinigassanngortinniakkat oqaatigineqassanngillat, taakku immikkut taassisutigisussaagatsigit.

Aamma qinnuigaassi nalunaarutigeqqullugu kina siulittaasunngortumut sinniisussatut qinigassanngortinnerissi.

(Partiit qinigassanngortinniakkaminnik inassuteqaateqassapput.)

Uku Inatsisartunut siulittaasussatut inassutigineqarpoq: Vivian Motzfeldt

Inatsisartut Suleriaasianni § 3, imm. 2 naapertorlugu qinigassanngortittoq Inatsisartut Siulittaasuattut qinerneqassaguni ilaasortanit najuuttunit amerlanerussuteqarluinnartunit qinerneqassaaq. Qinigassanngortittut arlaat amerlanerussuteqarluinnartunit qinerneqanngippat qinersisoqaqqissaaq. Qinersinermi tessani aamma qinigassanngortittoq amerlanerussuteqarluinnartunik taaneqanngippat qinigassanngortittut marluk aappassaanik

qinersinermi amerlanerpaanik qinerneqartut pingajussaanik qinersinermi taasissutigineqassapput, qinerneqarnerpaarlu qinigaalluni. Amerlaqatigiinnik qinigaasoqarpat qinersineq makitsinikkut aalajangerneqassaaq.

Takusinnaavara siulittaasussamut ataatsimik qinigassanngortitsisoqartoq, tassalu Vivian Motzfeldt, _____ sinniisussaralugu.

Inatsisartunut ilaasortat qinnuigissavakka taasinermikkut erserseqqullugu Vivian Motzfeldt

Inatsisartut Siulittaasussaattut _____ sinniisussaralugu
tapersorsornerlugu. Tamannalu maanna taasissutigissavarput.

Inatsisartunut ilaasortat qinnuigaakka taaseqqullugit. (...*TAASINERUP NAAMMASSINISSAA UTAQQINEQASSAAQ*...) Taasineq naammassivoq.

- (*QASSIT*) Inatsisartut Siulittaasussaattut Vivian Motzfeldt qinerpaat.
- (*QASSIT*) Inatsisartut Siulittaasussaattut Vivian Motzfeldt akerleralugu taasipput.
- (*QASSIT*) taaseqataanngillat.

(*Vivian Motzfeldt amerlanerussuteqavissunit taaneqarpat uku oqaatigineqassapput:*)

Taamaalilluni Vivian Motzfeldt Inatsisartut Siulittaasussaattut qinerneqarpoq
_____ sinniisussaralugu.

Qinigaaninnut qujanaq / Qinigaaninni pilluarit.

Massakkullu Inatsisartut siulittaasuata tullissaanik qinersinermut ingerlaqqissaagut.

Inatsisartut Siulittaasuata tullianik siullermik, aappaanik, pingajuanik sisamaanillu qinersineq
(Inatsisartut Siulittaasuat)

Siulittaasup tullinik sisamanik taakkulu namminneq sinniisussaannik sisamanik qinersisoqassaaq. Qinersineq Inatsisartut Suleriaasianni § 3, imm. 3 naapertorlugu qassinik ilaasortaatitaqarneq naapertorlugu qinerseriaaseq malillugu ingerlanneqassaaq.

Qinersisarnerit eqqarsaatigalugit suleqatigiinnissamik isumaqatigiissuteqarsimasunit uku inassutigineqarput:

1. Mimi Karlsen	(IA)	Stine Egede	(IA)
2. Simigaq Heilmann	(D)	Malene Vahl Rasmussen	(D)
3. Nikkulaat Jeremiassen	(S)	Jens Danilsen	(S)
4. Peter Olsen	(IA)	Aqqa Samuelsen	(IA)

Akerliusqanngippat ilaasortat sinniisussallu siuliani allassimasut Siulittaasoqarfimmut qinerneqartutut isigineqassapput.